



pugnator, atque defensor hæretos, & in aperto ex-
pugnans veritatis prædicationem: & omnes cum eis
consortes atque contribules, & impietatis confen-
tanei.

Hanc hæretorum turbam Sophronius in tres classes
partitur: In antiquos, in recentiores, & in eos, qui ad-
huc in vivis erant, dum synodicam suam scribebat.
Inter Antiquos hereticos Photius in Bibliothec. Cod. 231.
notat duos a Sophronio memoratos Origenes; Origenem
alium fuisse antiquum, alium posteriorem, qui cognomina-
tus est Adamantius. Etiam S. Epiphanius, & ex illo
S. Augustinus, distinguit duos Origenes, antiquum a
recentiore, qui Adamantius dictus sit. Notat etiam (ut
verbis ejus utar ex versione Andreae Schotti) *Magnum*
cum *Apollinari excommunicatum*, & *Theodoretum ab Ec-
clesia non admissum*, *et ubi Cyrilum damnavit*, pra-
vum & malum esse afferuerit. De *Magno*, certum est
illum cum utroque Apollinario conjunctum a Photio. Quo
vero ad Theodoretum, aut locus corruptus est, & pro
Theodoreto legendum, *Theodorus*, *Pelagio* & *Celestio*,
& Juliano subjunctus, & Nestorio præmissus: aut, si de
Theodorito sermo sit, falsum erit, quod ab Ecclesia non
sit admissus; nam non ipse, sed ejus scripta contra Cy-
rillum sunt damnata. En Sophronii ipsius verba in Sy-
nodica A. xi. Sexta Synodi (Tom. vii. Concil. edit.
Venet. p. 919.) Post quos & *Mopsuestenum* evellit Theodo-
retum *Magistrum* Deo rebellis *Nestorii*, & ut immundam
zizaniam cum suis blasphemis opusculis ab *Apostolica Ecclesie*
projicit. Scripta quoque Theodoriti, quæ male & impie
adversus Cyrilum propugnatorem veritatis effecta sunt &c.

In numero recentiorum hæretorum, notandi sunt
sequentes. I. *Lampetius* auctor hæretos τὸν *Marciāνi*,
Marcionistarum. Harduinus legendum monet, *Marciā-
νi*, *Marcionistarum*, de quo vide Timotheum Pres-
byterum de receptione hæretorum: sunt autem Marcia-
nistæ iidem ac Messaliani, seu Euchetae: quorum hære-
tos accusatus fuit Joannes Presbyter, & a S. Gregorio
Magno Papa, ad quem appellaverat, innocens judicatus;

ta-